


Zapisnik sa desete sjednice Savjeta za lokalni ekonomski razvoj (SLER)

Datum i vrijeme	▪ 07. septembar, 2018. godine, od 15:30-17:07h
Mjesto	▪ Sala Općinskog vijeća, Općina Tešanj
Zapisničar	Muamer Omahić
Prisutni	Suad Huskić, predsjedavajući SLER-a Senad Brka, zamjenik predsjedavajućeg SLER-a Nazif Hamzić, član Ruža Vlajković, član Hamzaliya Hojkurić, član Muharem Berberović, član Adnan Lihić, član Damir Softić umjesto Esmira Kotorića Ismar Alagić, član Senad Subašić, član
Odustni	Mahmut Galijašević, Esmir Kotorić, Suad Roša, Muharem Saračević
Dnevni red	<ol style="list-style-type: none">1. Usvajanje zapisnika sa IX sjednice SLER-a2. Informacija o pripremi budžeta za 2019. godinu sa osvrtom na udio komunalnih i administrativnih taksi3. Informacija o realizaciji Plana kapitalnih ulaganja sa osvrtom na poslovnu infrastrukturu4. Općinski poticaji i olakšice za privredu5. Cijene, kvalitet i dostupnost komunalnih usluga6. Nove inicijative članova SLER-a
Sažetak sastanka	<p>AD 1. Predsjednik SLER-a, je otvorio 10 sjednicu SLER-a, konstatovao da je prisutno 10 članova SLER-a, pozdravio sve prisutne te se zahvalio na odzivu. Nakon predstavljanja prijedloga dnevnog reda za 10. sjednicu. Prva tačka dnevnog reda stavljena je na diskusiju. Nije bilo rasprave u pogledu usvajanja zapisnika te se pristupilo glasanju i zapisnik je jednoglasno usvojen.</p> <p>Zaključak 1.1 Zapisnik sa 9. sjednice SLER-a usvojen.</p> <p>AD 2. Predsjednik je otvorio drugu tačku dnevnog reda, koja je predstavljena od strane g-dina. Hamzaliye Hojkurića. Tokom svog izlaganja g-din. Hamzaliya je naglasio da je Budžet stalna kategorija, da se cijelu godinu radi na istom, od pripreme pa do realizacije. U oktobru mjesecu će se realizovati javna rasprava na nacrt Budžeta za 2019. godinu. Cilj predstavljanja Budžeta SLER-u je da se sagleda udio taksi u istom i koliko je opterećenje za privredu općine. Predsjednik otvara raspravu za drugu tačku dnevnog reda, napominjući da je proces usvajanja Budžeta za 2019. godinu, započeo i da se na sjednici SLER-a može razgovarati o navedenoj temi. Nije bilo diskusije za ovu tačku. Nakon glasanja članovi SLER-a su usvojili slijedeći:</p> <p>Zaključak 2.1 Prima se k znanju informacija o pripremi Budžeta za 2019. godinu i udio komunalnih i administrativnih taksi u istom.</p> <p>AD 3. Predsjednik je otvorio treću tačku dnevnog reda, koja je predstavljena od strane g-din-a. Sabahudina Omerbašića. Tokom svog izlaganja g-din. Sabahudin Omerbašić je iznio slijedeće: kapitalni dio Budžeta u 2018. godini čino je 50% ukupnog Budžeta</p>



od čega je: komunalne infastrukture 49%, opće potrebe 18%, industrijske zone 5%, kapitalni projekti u mjesnim zajednicama 8%, opremanje jedinica CZ 8%, školske dvorane 7%, te otkup zemljišta, oprema i objekti ukupno 3%. Ugovoreni radovi u 2018. godini iznose: 8.711.119,40 KM, od čega je najviše ugovoreno za kanalizaciju sa 44% od vrijednosti ugovorenih radova. Po pitanju projekta „Kanalizacija“ važno je napomenuti da je od 2015. godine, ugovoreno i izgrađeno 26 km primarne mreže, vrijednosti cca 11 miliona KM. U poslovnoj zoni Glinište trenutno se realizuju projekti: „Spajanje Gliništa i Ciglane“ u vrijednosti: 198.666,00 KM, „Primarni kolektor kanalizacije“ u vrijednosti: 418.860,00 KM, „Izgradnja sobračajnice“ u vrijednosti: 260.000,00 KM, „Otkup zemljišta za saobraćajnicu i novi RP“ u vrijednosti od 245.000,00 KM. Kada je u pitanju vodosnadbijevanje općine Tešanj realizovani su projekti za vodovode u Pousorju, Dobropolje, O Planje, Medakovo Trepče, Tepe Hrvatinići i vodovod Raduša. Kada su u pitanju ulaganja u poslovnu infrastrukturu pored navedenih projekata za PZ Glinište u 2017/18 projektovano je i obezbjeđena su sredstva za PZ Vila u vrijednosti od 332.000,00 KM. Na kraju svog izlaganja g-din. Sabahudin Omerbašić je predstavio šta je to od planiranog ulaganja u 2017. godina, Općina Tešanj uspjela da realizuje. Nakon izlaganja Predsjednik otvara raspravu za ovu tačku dnevnog reda. Nije bilo diskusije po osnovu ove tačke dnevnog reda Nakon glasanja članovi SLER-a su usvojili slijedeći :

Zaključak 3.1 Prima se k znanju informacija o realizaciji Plana kapitalnih ulaganja sa osvrtom na poslovnu infrastrukturu.

Zaključak 3.2 Presentaciju o realizaciji Plana kapitalnih ulaganja sa osvrtom na poslovnu infrastrukturu Općine Tešanj prosljediti svim članovima SLER-a.

AD 4.

Predsjednik je otvorio raspravu za četvrtu tačku dnevnog reda, ukazavši da se u materijalima za sjednicu detaljno pojašnjeni Općinski poticaji i olakšice za privredu. Zamjenik predsjednika, g-din. Senad Brka je zatražio pojašnjenje zašto je Odluka o taksama navedena kao poticaj ili olakšica. G-din. Hamazlija Hojkurić je ukazao da je navedena odluka predstavljena kao olakšica zbog svoje visine, koja je znatno manja u odnosu na ostale općine. Predsjednik je također, naglasio da su određene takse Općine Tešanj znatno jeftinije u odnosu na ostale općine, navodeći primjer općine Srebrenica, gdje je tehnički prijem znatno skuplji u odnosu na općinu Tešanj. Nakon zaključene rasprave članovi SLER-a su usvojili slijedeći :

Zaključak 4.1 Prima se k znanju informacija o općinskim poticajima i olakšicama

AD 5.

Predsjednik je otvorio raspravu za petu tačku dnevnog reda koju su predstavili direktor JKP Rad Tešanj, g-din. Adnan Lihic i direktor JP Toplana Tešanj, g-din. Asim Bašalić. Direktor JKP RAD je tokom svog izlaganja je predstavio cijene komunalnih usluga, koje nisu promjenjene od 2008. godine. Predstavljene su vazeće tarife za vodu kanalizaciju, odvoz smeća, korištenje deponije, te aktivnosti u sklopu MEG projekta. Komunalno preduzeće na teritoriji općine Tešanj građanima i pravnim licima pruža slijedeće usluge: snadbijevanje vodom za piće, odvodnja otpadnih voda, prikupljanje i deponovanje otpada te poslove komunalne higijene i zimске službe. Zaključno sa 2017. godinom JKP RAD snadbijeva vodom ukupno; 7.626 korisnika, dok je na sistem kanalizacije priključeno 2.936 korisnika. Kada je riječ o sistemu odvoza komunalnog otpada JKP Rad trenutno pruža usluge za 7.200 korisnika.



Direktor JP Toplana je tokom svog izlaganja predstavio trenutne cijene za tri kategorije potrošača toplotne energije te koliko iznosi potrošnja toplotne energije putem mjerača toplotne energije. Cijena grijanja nije mjenjana od 2012. godine, postoji utvrđena subvencija troškove povećanja cijene grijanja za penzionere čija visina penzije ne prelazi iznos zajamčene penzije. Također, svi korisnici toplotne energije, koji su izvršili implementaciju mjera energetske efikasnosti plaćaju paušal u iznosu po stopi od 10% umjesto 25% koliko plaćaju ostali potrošači. Anketa zadovoljstva kupaca se redovno provodi svake grejne sezone, a ocjena za grejnu sezonu 2016/2017 iznosi 4,77. Dostupnost snadbjevanja toplotnom energijom na području općine Tešanj iznosi; 4%. Nakon izlaganja, član SLER-a, g-din. Nazif Hamzić je postavio slijedeće pitanje: „Da li postoji interes JKP RAD-a za zbrinjavanje posebne vrste otpada(boja lakova)“. Trenutno to radi firma koja dolazi iz Lukavca i može se reći da je zadovoljavajuća cijena otkupa. Članica SLER-a, gđa Ruža Vlajković je postavila pitanje u vezi isplativosti rada Toplane u sezonama kada se zabilježe dosta niže temperature od prosječnih. Zamjenik Predsjednika, g-din. Senad Brka je postavio pitanje direktoru JKP Rad: “Da li je u planu JKP Rad-a da izvrši zamjenu stari azbesni cijevi na postojećoj mreži“. Na postavljeno pitanje direktor JP Toplana je odgovorio kako je režim rada Toplane određen posebnom regulativom, recimo ukoliko temperatura spadne ispod -5C tada Toplana radi 24 sata. Kada uzmemo u obzir srednje vrijednosti temperatura zadnjih godina može se reći da je razlika samo u nijansama. U zadnjih 7 godina JP Toplana nije potrošila više od 900 tona uglja, postoji oscilacija nekih; 15%, ali se moraju uzeti u obzir; kvalitet uglja, oprema, obučenosn osoblja i dr. Direktor JKP Rad je odgovorio da JKP Rad trenutno nema kapaciteta za odvoz posebnog otpada(boja, lakova i ljepila), niti su ovlaštene za odvoz istog. Deponija u Bukvi trenutno zbrinjava redovni otpad i postoji prostor za zbrinjavanje određene količine animalnog otpada. U planu JKP Rad je svakako rješavanje problema stari azbesni cijevi. Nakon zaključene rasprave članovi SLER-a su jednoglasno usvojili slijedeći:

Zaključak 5.1 Primaju se k znanju informacije u vezi cijene, kvaliteta i dostupnosti komunalnih usluga na području općine Tešanj.

AD 6.

Pod tačkom 6. Predsjednik SLER-a je predložio slijedeću inicijativu:

Da se uradi Analiza stanja ugroženosti od prirodnih nepogoda na području općine Tešanj, u blizini poslovnih subjekata(poslovnih zona).

Zamjenik predsjednika je predložio slijedeću inicijativu:

Pristupiti izradi Strategije komuniciranja općine Tešanj.

Zapisničar:
Muamer Omahić, dipl. pravnik



Predsjedavajući SLER-a
Suad Huskić
Mr.sc. Suad Huskić, profesor